

10 Pegawai Tinggi Bangladesh Berkursus di UUM

Unit Komunikasi Korporat

Telah Dihantar: 26 Julai 2010 17:29

Kepada: UUM - All Staff; UUM All Student

26 JULAI 2010 / 14 SYAABAN 1431H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

10 Pegawai Tinggi Bangladesh Berkursus di UUM

Oleh: Nor Adila Ab Kadir

Gambar: Zamarizul Salleh



ERAT...Sekitar pertemuan yang melibatkan 10 Pegawai Tinggi Bangladesh bersama staf UUM, pagi tadi.

UUM ONLINE: Usaha menangani konflik memerlukan kesabaran yang tinggi serta kemahiran bagi membolehkan perundingan dilakukan untuk menyelesaikan masalah yang dihadapi dalam sesebuah organisasi.

Konflik kerap berlaku dalam organisasi di seluruh dunia dan ia perlu ditangani dengan cara bijaksana dan berhemah kerana ia mampu memberi kesan kepada pekerja dalam organisasi berkenaan.

Soal konflik dan bagaimana hendak mengatasinya melalui perundingan menjadi teras kepada pembelajaran 10 pegawai kanan dari Bangladesh termasuk Pengarah dan setiausaha bersama di Jabatan Perdana Menteri, Bangladesh.

Pegawai kanan berkenaan adalah Setiausaha bersama, MDS, Ferdous Akhter; Pengarah Pejabat Perdana Menteri, Nazneen Begum; Timbalan Setiausaha, M/O Establishment, Husne Ara; Pengarah BPATC Savar, Dhaka, Ashraf Uddin Ahmed dan Timbalan Setiausaha, Coordination Branch, Planning Division, Md. Abdus Sattar Sarker.

Peserta lain ialah Pegawai Perubatan BPATC, Dr. Md. Mostafizur Rahman; Penolong Pengarah RPATC, Mohammad Ashraful Afsar; Timbalan Setiausaha Bahagian Kewangan, Kazi Nahid Rasul; Timbalan Pengarah, MRS IMED, Dhaka, Quamrun Nessa dan Timbalan Setiausaha M/O Establishment, Md Masumur Rahaman.

Pengerusi i-COMTOUR, Prof. Madya. Dr. Hisham Dzakarria berkata, program ini akan dijalankan selama sebulan bermula pada 25 Julai sehingga 20 Ogos 2010 membabitkan aktiviti pengajaran dalam kawasan kampus Universiti Utara Malaysia (UUM) di Sintok dan lawatan sambil belajar ke pejabat kerajaan di Kuala Lumpur dan Pulau Pinang.